

**CENTRALNA BANKA
BOSNE I HERCEGOVINE**
Broj: 150-15-4-1241- 8 /20 MM
Sarajevo, 20.09 - 2020. godine

Na osnovu člana 70. stav (1) i (3) i člana 89. Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke usluge – pregleda i ispitivanja PP opreme i PP instalacija i hidrantske mreže za potrebe Centralne banke Bosne i Hercegovine – Glavne jedinice Sarajevo LOT 2

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluge – pregleda i ispitivanja PP opreme i PP instalacija i hidrantske mreže za potrebe Centralne banke Bosne i Hercegovine – Glavne jedinice Sarajevo LOT 2, dodjeljuje ponuđaču Granulo - RE d.o.o. Sarajevo, na period od dvije godine, u svemu prema Ponudi broj: 337-6/20 od 23.06.2020. godine.

Član 2.

Ponuda ponuđača iz člana 1. ove odluke, nakon održane e-aukcije, iznosi:

796,40 KM bez PDV-a
(slovima: sedamstotinadevedesetšest konvertibilnih maraka i 40/100)

odnosno

931,78 KM sa uračunatim PDV-om
(slovima: devetstotinatridesetjedan konvertibilnih maraka i 78/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Centralna banka Bosne i Hercegovine – Glavna jedinica Sarajevo.

Član 4.

Centralna banka će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – pregled i ispitivanje PP opreme i PP instalacija i hidrantske mreže, za potrebe Centralne banke Bosne i Hercegovine, putem konkurentskog zahtjeva za dostavljanje ponuda, pokrenut je Odlukom, broj: 150-15-4-1241-2/20 MM od 18.05.2020. godine.

U skladu s tim, Centralna banka je 15.06.2020. godine na portalu Javnih nabavki objavila Obavještenje o nabavci broj: 1370-7-2-270-3-170/20.

U predviđenom roku za dostavljanje ponuda, do 25.06.2020. godine, za LOT 2 blagovremeno su dostavljene tri ponude i to:

- Proving d.o.o. Milana Preloga bb, 71000 Sarajevo
- Granulo- RE d.o.o. Ul.Bojnička 47 Sarajevo
- VATROSISTEMI d.o.o. Safeta Zajke 115, 71000 Sarajevo

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponude i zaključila da pristigle ponude zadovoljavaju sve uslove tražene tenderskom dokumentacijom.

Sa navedena tri ponuđača je zakazana e-aukcija za dan 06.07.2020. godine. Po završetku e-aukcije prvorangirana ponuda je ponuda ponuđača Granulo - RE d.o.o. Sarajevo.

Shodno naprijed navedenom, a u skladu s kriterijem najniža cijena, Komisija je u svom Zapisniku o pregledu i ocjeni ponuda broj: 149-15-4-1470-11/20 od 25.06.2020. godine i Izvještaju o radu Komisije s Preporukom broj: 149-15-4-1470-12/20 od 08.07.2020. godine, dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od pet dana, od dana dostavljanja ove odluke.


GUVERNER
dr. Senad Softić

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Glavna jedinica Sarajevo;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)